

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԳԻՏԱԿԱՆ ՍԵՍԻԱՆ

Վերջին տարիներում Հայկական ՍՍՌ Գիտությունների Ակադեմիան ու նրա ֆիզիկո-մաթեմատիկական և տեխնիկական գիտությունների, գյուղատնտեսական և բիոլոգիական գիտությունների բաժանմունքները ըզբաղված են մեր ժողովրդական տրնտեսության համար խոշոր նշանակություն ունեցող մի շարք պրոբլեմներով:

Երեկ սկսվեց Հայկական ՍՍՌ Գիտությունների Ակադեմիայի ամառային սեսիան, որը նվիրված է մեր ռեսպուբլիկայի ժողովրդական տրնտեսության համար կարևորագույն նշանակություն ունեցող երկու պրոբլեմների քննությանը: Դրանք են՝ Հարավային Հայաստանի գունավոր մետաղների հանքերի ու նրանց օգտագործման և Արարատյան դաշտի ռոտոման ու աղակալված հողերի յուրացման հարցերը:

Հուլիսի 4-ին ֆիզիկո-մաթեմատիկական և տեխնիկական գիտությունների բաժանմունքի գիտական նիստում լսվեց Հայկական ՍՍՌ Գիտությունների Ակադեմիայի իսկական անդամ Կ. Պաֆենդուցի զեկուցումը «Հայաստանի հարավային մասի երկրաբանական կառուցվածքի հիմնական գծերը» հարցի մասին:

Նույն օրը գյուղատնտեսական և բիոլոգիական գիտությունների բաժանմունքների միացյալ նիստում լսվեց բիոլոգիական գիտությունների թեկնածու Հ. Փանոսյանի զեկուցումը «Հայաստանի աղակալած հողերի բիոլոգիական առանձնահատկությունները, կապված նրանց իրացման հարցի հետ» թեմայով:

Զեկուցումները լսվեցին մեծ հե-

տաքրքրությամբ և առաջացրին լայն քննարկում:

Սեսիան շարունակվում է:

Հուլիսի 5-ին ֆիզիկո-մաթեմատիկական և տեխնիկական գիտությունների բաժանմունքի գիտական նիստում լսվելու է երկրա-հանքաբանական գիտությունների թեկնածու Ս. Մկրտչյանի զեկուցումը «Քաջարանի և Ագարակի պղնձա-մոլիբդենային հանքավայրերը և նրանց հեռանկարները» և երկրա-հանքաբանական գիտությունների թեկնածու Բ. Վարդապետյանի զեկուցումը «Հարավային Հայաստանի պղնձա-հանքային բազան (Ղափանի հանքավայրը) և նրա զարգացման հեռանկարները» խնդրի մասին:

Գյուղատնտեսական և բիոլոգիական գիտությունների բաժանմունքների միացյալ նիստում հուլիսի 5-ին լսվելու են զեկուցումներ հետևյալ հարցերի մասին՝ «Արարատյան դաշտավայրի երկրաբանական և հիդրոերկրաբանական կառուցվածքը» (զեկուցող՝ երկրա-հանքաբանական գիտությունների թեկնածու Ա. Դեմյոխին), «Հողերի պոմպային շորացումը և դրա գործնական կիրառումը Արարատյան դաշտավայրում» (զեկուցող՝ գյուղատնտեսական գիտությունների դոկտոր Գ. Օգանեզով) և «Արարատյան դաշտավայրի ճահճացած հողերի ագրոտեխնիկան» (զեկուցող՝ գյուղատնտեսական գիտությունների դոկտոր Գ. Աղաջանյան):

Բաժանմունքների նիստերի ավարտումից հետո հուլիսի 7-ին իր աշխատանքները կսկսի Ակադեմիայի ընդհանուր ժողովը: